


Vangzlungz: Lai Saek Lai Yiengh Gig Daegbied

景色争奇斗妍的黄龙风景区

□海武-ingjsij Siobhyungz boiz

Ndaw sang yawj roengz lai, lumj veh hai saek lweng.



▲ Raemxnyawh diuq roengz dat, mbitmbat lae ok bya.



▲ Daemz hung daemz iq deih, vienj daihdeih saenzfou.



▲ Aendaemz sengcingz baenz, yawiraen lumj vunz caep.



▲ Saekloeg ingi roengz daemz, caengz caeuq caengz mbouj doengz.



▲ Daemzraemx aen dep aen, yawj gyae raen byanae.

Youq ndaw gyaiq Swconh Swngj Ahba Cangcuz Gyangheuz Swcicouh Sunghbanh Yen, miz gizdieg gingjsaek gyaundeih yinx vunz gig mizmingz ndeu heuhguh Vangzlungz Mingzswng Fungh-gingjih, gizneix gingyawj daegbied, doenghyiengh fungfouq, swnghdai nyuenznduj, louzce ndaej ndei, gig miz cungyau gohyoz caeuq meijyoz gyaciz, dwg seiqgyaiq swnghvuzgenh baujhugih, guekgya AAAAA gaep lijyouzgih.

Giz gingjigiz cujyau ndaw Vangzlungz heuhguh Vangzlungz-gouh, couh youq laj dinbya Sezbaujdingi goengq bya ceiq sang Byaminzsanh, dwg diuz lueglaeg gaiva raez 7 goengleix, gvangq 300 mij baenzneix he, gizneix yienghbya



▲ Rumz ci raemx yubyeb, yied yawj yied dwggyaez.

ngutngaue lumj duzlungz, ndigah youh heuhguh "Bya'ndojlungz", youz Luegvangzlungz caeuq Luegmouzniz song bouhfaenh gyroeb-baenz. Vangzlungz miz Luegvangzlungz, Luegdanhyinz, Sezbaujdingi daengj gingjih, Luegmouzniz miz Raemxduqdat Cazgah caeuq Wdauhaij song aen gingjih. Gwnz bya miz aen Vangzlungzsw gig mizmingz ndeu, ndigah aenmingz gingjih couh ciuq an baenz. Ndaw gingjih aeu daemz lai saek, byanae, lueglaeg, ndoengfaex "seiq cied" neix riuzmingz gwnzbiengz, dwg guek raeuz giz dog diegdumz byasang baujhu ndaej gig ndei ndeu.

Raemxnae caeuq raemx laj rin song cungj raemx neix lae gvaq Luegvangzlungz seiz, aenvih deng gizdieg lingqbingz, raemxlae git-men, ngafaex ndaekrin laengz-dangj daengj, gij dansonhgai ndaw raemx couh romcomz giet baenz ringaiva, ciemhciemh lien baenz aen dem aen daemz lai saek, veh ok fuk veh geizheih ndei yawj sengcingz ndeu, vunz lai couh heuh de guh "daemzhajsaek". Gij daemz neix hunghung iqi, miz sang miz daemq, yienghsiengq gak mbouj doxdoengz, gak saek gak yiengh, doxengq beij gyaeu, byaij youq ndawde, caen lumj haeuj daengz le diegsien Yauzciz nei.



▲ Gingjsaek baenzneix ndei, diegsien beij mbouj ndaej.



▲ Byanae Sezbaujdingi, lingq-lwt hungsang raeuh.



▲ Raemxrij yaengyaeng lae, baenz mbaeklae ndei yawj.



▲ Lingzgimsei ndaw bya, caemh ma dem nauhyied.